

## La volonté pou vine bon

Li dimane ene ti pé courage et surtout ene ti pé volonté pou capave maîtrise nou ou bien au moins apaise nou désir pou faire péché. Le premier pas c'est ki nou bizin change nou l'environnement. Arrête fréquente banne ki encourage nou pou faire mauvais. Fréquente banne bon dimounes dans Deen ki pou ene source d'encouragement pou nou reste ferme lors Deen.

Rasouloullah ρ fine dire :-

"Lue dimoune ena tendance gagne manière so camarade intime. Alors chacun parmi zotte bizin guette bien ki sarcla ki li fréquenté. " (Abou Dawood et Tirmizi)

## Bon...

Bon veut dire faire ceki bizin faire et pas faire ceki bizin pas faire. Par exemple cause causé ki bizin causé et pas cause causé ki pas bizin causé.

## ...Et mauvais...

Et mauvais veut dire faire ceki pas bizin faire et pas faire ceki bizin faire. Par exemple ene z'homme li couvert so cheville ki li bizin reste découvert et ene madame li découvert so li pied ki bizin reste couvert. Coumsa même quand nou quitte Sounnat de nou Nabi ρ ki ti bizin pas quitté et nou imite principe ene l'autre ki bizin pas prend

## ... Et solution

A coze ça nou bizin suivre sounnat de nou Nabi ρ parceki quand nou quitte ene sounnat de nou Nabi ρ li remplacé par principe ene l'autre. Le succès total trouve dans suivre sounnat de nou Nabi ρ seulement. Tout kitchose ki d'après so sounnat, li bon et ceki conte so sounnat h mauvais.

---

## **HALAAL NEWS UPDATE**

Parmi les grandes firmes poulet c'est juste Arc en Ciel ki certifié Halaal juska l'heure par le JUM. Le JUM pena narien à faire avec le HRC et le JUM pe averti le publique pour pas accepter tout kalité certificat Halaal. Ena ki pe donne certificat sans verifier couma bizin. Renseigne ou bien avant lor JUM so hotline suivants : 57256981, 57764809, 57326379 ou contacter nous dans bureau lor 2400439.



**JAMIAT-UL-ULAMA of MAURITIUS**

Cnr. Penang & Sumatra Street, Port Louis, Mauritius,

Tel: 240-0439 / <http://www.jamiat-ul-ulama.org>

Emails: [jamiat@intnet.mu](mailto:jamiat@intnet.mu) / [jamiathalal@myt.mu](mailto:jamiathalal@myt.mu)

